

Universidad Complutense (Alcalá de Henares)

**Complutensis Vniuersitas, pleno doctorum
conuentu coacto, omnem communionis speciem
cum doctoribus parisiensibus apostolicae
constitutioni Unigenitus non parentibus rescindere
statuit.**

Compluti : in Universitatis Typo-graphia, 1718.

Vol. encuadernado con 17 obras


Signatura: FEV-AV-M-01418 (02)

La obra reproducida forma parte de la colección de la Biblioteca del Banco de España y ha sido escaneada dentro de su proyecto de digitalización


<http://www.bde.es/bde/es/secciones/servicios/Profesionales/Biblioteca/Biblioteca.html>

Aviso legal

Se permite la utilización total o parcial de esta copia digital para fines sin ánimo de lucro siempre y cuando se cite la fuente



COMPLUTENSIS
 VNIVERSITAS , PLENO DOCTO-
 RVM CONVENTV COACTO , OMNEM
 communionis speciem cum Doctoribus Pa-
 risiensibus Apostolicæ constitutioni
 VNIGENITVS non parentibus
 rescindere statuit.



VRIBVS nostris audivimus, & qui pro Patribus nostris Ecclesiæ nati sunt filij, anuntiaverunt nobis opus, non sanè quod in diebus antiquis Dominus sit operatus; sed quod Dæmonis ope, & astu infelicia quædam ingenia infelicius moliantur hâc ipsâ vel inde satis miserabili tempestate: fascinos, nempè, aliquot Parisienses DD. nè Apostolicæ Constitutioni, cui initium: VNIGENITVS DEI FILIVS datæ Romæ sexto idus Septembris, elapsi iam pridem anni 1713. quâ par erat, assentirentur obedientiâ; quin de Romani Pontificis infallibilitate non probè sentientes, præfatæ constitutioni reluctantur, &, abyfso abyfso invocante, ipsum Romanum Episcopum Generali Concilio submitendum putant, vt exinde prædictam Constitutionem vi exuant obligandi, vel saltem à Generali Concilio, & Ecclesiæ acceptatione reddant precariam, nunc iam præter omnis pudoris speciem evomentes tetrum illud virus, quod, quibusdam miserandis ingenijs propinantibus, iam pridem ebi-

berant, & in alto cordis secreto callidâ malignitate con-
coxerant. Hinc nefas illud admittunt interponendi ap-
pellationem ad futurum Generale Concilium : quæ om-
nia, cum è DD. prodeant, qui non nisi Sacrorum Bi-
blijorum, & Conciliorum assiduâ evolutione præmissâ,
in tanto negotio affari præsumperint : in eam nos, vel
invitos, adtulere sententiam, vel ad minimum suspicio-
nem, quòd, scilicet, eorum de grege sint, qui, vt ex
Evangelio novimus, *Foris sunt, & videntes non vident,*
& *audientes non intelligunt.*

Vt autem specie germanæ consequutionis suam
deformem inobedientiam colorent, defectum vniversa-
lis Ecclesiæ approbationis causantur, & veluti in eis non
satis superflueret iniquitas, vtque apponant iniquitatem
super iniquitatem, eandem in nobis confingere pergunt;
quam tamen eorum propriæ potius imponunt. Sacrum
illud nostrum silentium, quo Apostolicam sanctionem
VNIGENITVS (sicut erga omnes à Sacrà Sede pro-
venientes mos semper in Hispanijs laudatissimus inva-
luit) Vniversæ Hispanienses Academiae demississimè sunt
reveritæ, crimini vertunt, quasi altum hoc conticinium
speciem quam piam recusationis suæ eorum per similis,
& complicitis adumbret. Iniuriam alioqui immanem fa-
cilè condonamus : quippè qui, optantes vincere in bo-
no malum, & pro malis bona retribuentes, talia pro eis
ardentissima ad Deum protendimus vota : vtinam, Do-
mine, saperent, & intelligerent, Hispaniensi silentio
potiorem esse non posse fidei cultum, cuius Regnum,

5
nè divisum desoletur, pace filiâ silentij custoditur, ut-
potè illius beneficio præter omnem sevientis arena su-
dorem firmissimè stabilitur, arguente pro nobis Pro-
pheta, qui eo loci haud obscurè huius nostri silentij fe-
licitatem prælagivit, quo prædicebat: *Et erit opus iusti-
tiæ pax, & cultus iustitiæ silentium, & securitas usque in
sempiternum.*

Ansam nobis offert hoc Prophetæ oraculum, sed
àn nè laceffendi id genus DD. ut nobiscum ineant sin-
gulare certamen? Minimè verò. Nec tamen, quod eo-
rum despectum, quo Gigantum more superbientes no-
biscum velut pueris digladiari dedignentur, pertimes-
camus: ex ore quippè infantium (divinus id Psalter pan-
git) perficit Deus laudem, ut perditum eat inimicum:
ergo nè scriptis eisdem, eorundemque miserandos
errores confutandi? Nec adhuc: quippè habent Pro-
phetas; quos tamen non audiunt: etsi vel quis è mortuis
prædicaturus resurgeret, ipsum audituros, penè despe-
ramus. Sed eos provocandi, haud equidem verbo Doc-
trinae, vel scriptis, quorum apud nostrum coelum divi-
nâ largitate ingens copia viget; sed Sacro illo silentio,
quod ipsi malè torquent. *Ad hunc iustitiæ cultum* (verba
damus Bernardi ad præmissum Esaiæ locum) *& ad hanc
omnium virtutum Matrem te, & quicumque tui similes pro-
ficere cupiunt in virtutibus, invito, & provocho, etsi non ver-
bo Doctrinae, certè mei silentij exemplo, ut vel silentio do-
ceam te silere.*

Estò autem non celeri; pari tamen ad nos gressu
adven-

adventarunt, & silentij calumnia, & tempus effandi. Cùm etenim, Div. Thoma Præceptore, noverimus, tunc fidei, quâ corde creditur ad iustitiam, oris ad salutem confessione opus esse, cum de conticentium fide non illibata apud alios manet opinio; vbi accepimus nostrum Sacrum silentium à malignantibus fauciari, loquendi tempus instare existimamus. Quare labia nostra silentij ligamine solventes, iam sermoni indulgemus, & vocem quasi tubæ exaltantes, vnâ omnes vnus cordis, & vnus labij voce clamamus: & hîc hîc, si alicubi, verborum, & vocum tumultus, nedùm copia deceret, vt identidem ingeminaremus: SENTIMVS, CREDIMVS, ATTESTAMVR, ET PROFITEMVR: Pontificem Summum, dum è Cathedrâ, vt Vniuersalis Doctor suum, seu, quod perindè est, Dominicum gregem in fidei, & morum rebus instruit, esse prorsus infallibilem etiam extra Generale Concilium, & citrà Vniuersalis Ecclesiæ approbationem ob Divini Spiritus assistentiam, quam Div. Petro, eique successuris, & promeruit, & oratione impetravit Iesus-Christus pro suâ reverentiâ exauditus à Patre. ET PRO HVIVS VERITATIS DEFENSIONE IVRIS IVRANDI SACRAMENTO CORDA NOSTRA LVBENTISSIMI DEVINCIMVS. Quod effectus ipse testatus est: præmissâ quippè solemniter huius iuramenti Religione ab Illustrissimo N. Rectore; successit eâdem solemnitate DD. omnium iuramentum, exigente, & excipiente ipso Illustrissimo D. Ea propter vbi ad nos pervenit Aposto-

7

lica SS. P. N. CLEMENTIS constitutio, VNIGENI-
TVS, illam obedientiae vlnis reverentissimi excepimus,
paremque ei obsequelam adhibuimus, ac ceteris à
sui Prædecessoribus, & D. Petri successoribus expedi-
tis. Fiant hoc pacto silentium linguæ differtæ, & obstrua-
tur os loquentium iniqua, atque vtinam omnem in ter-
ram noster huius veritatis sonus exiret, quam quàm præ-
vocum fragore, & frequentia fauces nostræ raucesce-
ren. Estò namque noverimus, firmissimam hanc verita-
tem, quam nos in Divinis profiteamur, apud nonnullos
huius naturæ firmitate orbatam inveniri: iuxta etiam
novimus infelicia talium ingenia, tam malè apud Catho-
licos audire, quàm apud Hethero-doxos probantur. Et
si qui tandem sunt è Catholicis talibus consentientes; eos
tamen male feriatos, & infelicem impendisse operam, &
miserè dormitasse, deflemus. Id bonâ omnium pace di-
xerimus: vtpotè nos id genus portentis insuetos, vel sal-
tem omnibus insuetiores eisdem amplius offendi, quâ-
dam necessitatis specie contingit.

Enim verò nostra Complutensis Vniversitas fa-
ris, superque grata, quæque subinde turpissimæ obli-
vionis tenebris traddere nunquam poterit suam præin-
signem amplitudinem; quæ tamen operâ altissimæ illius
mentis Eminentissimi sui Erectoris, dum in terris dege-
ret, nullo invidente, magnanimitè; nunc in Cœlis, piè
omnibus credentibus, gloriose; felicibus, quod aiunt,
avibus Parisijs præconcepta, vt Compluti oriretur exi-
mia: in huius periucundæ memoriæ monimentum, de

more

more habuit Parisienses DD. si qui eam salutariter, civiliter excipere, adsciscere in suis, nullumque alium eisdem præire, præter Illustrissimum Rectorem, & facultatis Decanum, arguendi copiam, si contendere lubeat, ipsis impertiri, distributiunculis demùm, quæ apud nos *Propinas* audiunt, illos donare. Quæ omnia fortassis nostræ Vniversitati, quam Parisiensi gloriosiora non inficiabimur, vtpotè eidem nostram, vt nuper fatebamur, filiationis vinculo adnexam gaudemus, & (penè dixerimus) iactitamus. Quotusquisque vel ex his non deduxerit, quàm doluerimus, vbi aliquot DD. Sacræ Sedi in obedientiam accepimus? Spe tamen de sui respicientiâ dolor noster quâdam tenus mitigabatur, nec Communionem nostram, tam præproperè rescindendam arbitrabamur: cum tamen diutina animorum protervia, altis iam radicibus iactis, quidquam prohibet sperare, è re nostrâ esse ducimus, quam nuper referebamus, necessitudini modos adhibere. Nec tamen præfatum morem cohibere pergimus calumniâ illâ, quam accepimus, decocti: quippè qui ab auditione malâ non timemus, nec exciti dolore, quasi ægrè feramus opprobria exprobrantium Pontifici (vicem Patri filiali humilitate rependimus) super nos cecidisse; sed zelo fidei perculsi, à quo exedi, & pasci perardenter optamus, sed tabe, quâ penè deficimus, quod Parisienses illi DD. Deo facti inimici, ipsius Domini verba, quibus sui Vicario adfidere sponondit, sunt penitùs obliti: Divinis tandem iussionibus, velut æstro perciti, quas per Esaiam audimus: *Dis-*
solve

3

Solere colligationes impietatis. Arbitramur quippè Vniver-
sitatis Parisiensis verè arduæ, Regiæ, & generosæ Aquil-
læ, non ingenuam, sed prorsus degenerem progeniem
esse DD. illos, qui Apostolicas Sanctiones præpeti obe-
dientiâ non prosequuntur. His ergo longissimum dici-
mus vale, horum colligationem dissolvendam putamus,
Divinis monitis obsequentes; erga eiusdem verò Vni-
versitatis probatos, & ingenuos alumnos, & habuisse
exultamus, & retinere gaudemus, & perennare cupimus
sanctum illud, quod iam diù altè in præcordijs sedit,
amicitiæ fædus, vt vel sic clareat, non nisi immanibus
dolorum moribus corda nostra vexata cum inobedien-
tibus DD. ire fœdera dissolutum, & sententiam hanc,
alioqui acerbam, divum vnicè zelum extorsisse: *Alieni
enim erroris* (verba sunt cap. alieni l. c. 3. quæst. 5.) *Soci-
etatem sectantem, vel à sui propositi tramite recedentem,
aut Apostolicæ Sedis iussionibus inobedientem suscipere non
possumus quia inter fideles, & infideles magna debet esse
discretio.*

Quia ergo in Parisiensibus DD. (vt accepimus)
hinc probati, & obedientes; hinc verò sunt effrænes;
Sacrumque obedientiæ iugum succutientes; vt deinceps
dubitatio abigatur, & quo ad possimus, eminus facia-
mus quidquid, vel nolumus, vel horrescimus, probè
noscentes, esse nullam posse Societatem lucis ad tene-
bras, gratiasque agentes Iesu-Christo, & Patri per ip-
sum, cuius pientissimo dono eruti sumus de tenebris, vt
essemus lux in Domino non aliter quàm per fidem, &

obedientiam Apostolicis sanctionibus nunquam non præstitam: decernere pergimus omnes, & statuere in pleno DD. Conventu, sive Claustro, pridianâ citatione iuxta morem ab Illustrissimo Rectore præmissâ, die 28. Ianuariâ excurrentis anni coacto, quod deinceps nulli omninò liceat Doctori, seu Pedello, Ceremoniarum vè Magistro Parisiensem vllum Doctorem invitare, aut in nobis confedendi copiam concedere, nisi præmissò iure iurando, sub cuius Sacramento coram Illustrissimo Rectore circa recusationem constitutionis VNIGENITVS, se se profiteatur insontem, & de Romani Pontificis infallibilitate nobis consentientem. Ne autem Parisiensis Doctor (si quis nostram Universitatem veniat salutatum) iuris iurandi ceremoniam dedecori tribuat, illum præmonitum optamus ab Illustrissimo nostro Rectore, veteres nullo prorsus modo in honorasse fideles illos, qui infidelibus convivebant, dum à fidelibus illis deposcebant Epistolam, quam *formatam* vocabant, & in eâ, quæ sequuntur, verba legebantur: *Pater, Filius, Spiritus Sanctus, Petrus amen.* Neque Orthodoxos illos probro duxisse huius naturæ ritum, quo notesceret admittendorum fides, eorumque in Div. Petrum, & successores observantia. Vnde nec mirum, nos Epistolæ illi iuramentum suffecisse, quo Universitas examinet Doctoris sibi adsciscendi fidem, nec propriam ipsius fidem, vel minimâ contagione polluat, & commaculet.

Quia tamen huius nostri statuti perennitati consulimus,

linus, vt ipsum infirmitati, oblivioni, & revocationi minus maneat obnoxium, enixè rogamus Illustrissimum nostrum Rectorem, cuius obedientiæ Vniversi nos iuramenti vinculo tenemur, & cuius successoribus eodem ligamine tenebimur, & tenebuntur quotquot Vniversitatis corpori velint coagmentari, vt illius consistentiæ provideat comminationibus carceris, vel perpetui ab Vniversitate exulatus, quibus inevitabili fato subiaceant tali statuto quoquomodo contra-euntes. Sed vltius, vt penitus à corruptione maneat immune, deferendum decernimus ad SS. P. & D. N. CLEMENTEM XI. cuius ad Sacros Pedes totum Vniversitatis corpus per humillimas litteras provolutum supplicissimè deprecetur, vt illud suâ Apostolicâ Auctoritate confirmatum velit: sic enim corruere haud quaquàm poterit, vtpotè ædificatum supra firmam Petram, vt sapientum ædificium decet, ab eoque fragile, & perenne reddetur, qui iuxta Bernardi phrasin potestate est Petrus. Quod si (vt de amantissimi Patris benignitate sperare licet) SS. impertiatur, nè vnquam ad oblivionis tenebras amandetur, instituimus, vt quotquot in posterum Doctoratus insignibus honestentur, huius statuti iuramentum præmittere teneantur: sic enim, & Communitas, & DD. singuli eius observantiæ submituntur, temporisque, & oblivionis iniurias declinamus.

Prænoscentes vltius huiusmodi statutum longè, latèque peregrinaturum, &, experientiâ Doctri-

ce discētes, veritates peregre divagantes in egressu
 puras, in progressu fucatas, iam denique non veritates,
 sed fabellas ad suæ peregrinationis fines pervenire, ut-
 potè lassatæ deficiunt in viâ, & ibi occurrente fallaciâ,
 eas violenter denudat, ut earum se se aureâ, & pretio-
 sissimâ Chlamyde amiciat: Sicque sæpissimè vanum
 quodque figmentum, verigerens speciem, ut dolebat
 Seneca, veritatem se esse simulat, & ut talem admitti,
 amplexari, & hospitari consequitur: ut huic imminenti
 malo provideamus, & consulto Plauto, apud quem: *Qui
 audiunt, audita dicunt; qui vident, plane sciunt*, caventes
 nè in sui peregrinatione nostro statuto malis, quod
 aiunt, avibus contingat, æmulationem, invidiam, alium-
 vè id genus inimicum eidem obviam immittere aliquod
 commentum, quod latrunculi ad instar iter obsideat, &
 præ itineris prolixitate defessam veritatem lividis ocu-
 lis prospectans, eius amictus deprædetur, quibus orna-
 tum commentum ipsum, viamque veritari præripiens,
 vultus, & elegantiam veritatis mentitum, & audiri ob-
 tineat, & audientium fidem sævâ tyrannide adipiscatur,
 omnia hæc arcenda pretium operæ duximus. Quo circa,
 non auribus, sed omnium obtusibus nostrum decretum
 offerri optamus, ut videntes sciant, & figmenta omnia
 veluti erubescencia totis, quod aiunt, pedibus fugiant, &
 evaneant. Publici ergo iuris faciendum nostrum decre-
 tum decernimus, eiusque Ec-typum prælo excussum à
 nostro Secretario subsignatum, Universitatisque muni-
 tum sigillo mittendum Illustrissimis Episcopis, Venera-
 bilibus

bilibus Decanis Sanctarum Ecclesiarum, RR. Sacrarum Religionum Generalibus per litteras, quibus nostra erga percelebrem Parisiensem Vniversitatem gratitudo veluti erga Matrem nunquam non colendam, & vel ex hoc satis honorabilem commendetur, illamque plurimi, & supra quàm dicere possimus, nobis fieri, sicuti & eiusdem non degeneres alumnos; erga eos autem, qui constitutioni VNIGENITVS parere recusarunt, noster impotentissimus narretur fletus; immixtus tamen estuantissimis votis, quibus Maiestatem exoramus Divinam, vt suo de lumine, lumen illabi faciat eorum mentium aciem illiniens, & Divi flaminis digito eorundem referet aures, vt intra Ecclesiæ Ovile Pastoris vocem fideliter excipiant.

Vt tandem nostri statuti æquitas clareat, eius ad Limbum, & ante nostras subscriptiones appendatur caput illud *si inimicus* 1. dist. 93. cui Epigraphe: *cui pro actibus suis Apostolicus inimicatur, communicare non debemus: unde B. Apostolorum Princeps Petrus in ordinatione Clementis Populum alloquens, inter cetera ait. Vt ex hoc capite habeatur, superiora statuentes non secus segerere cum inobedientibus CLEMENTI XI. atque Apostolorum Princeps fideles omnes monuit se habere cum eis, qui primo Clementi, quem sui instituebat successorem, non parerent; caput autem iam sequitur.*

Si inimicus est iste Clemens alicui pro actibus suis, vos nolite expectare, vt ipse vobis dicat, cum illo nolite amici esse

esse; sed prudenter obseruare debetis, & voluntati eius
 absque commotione obsecundare, & auertere vos ab eo,
 cui ipsum sentitis aduersum; sed nec loqui his, quibus ip-
 se non loquitur, ut unusquisque, qui in culpâ est, dum cu-
 pit omnium vestrum amicitias ferre, festinet citius recon-
 ciliari ei, qui omnibus præest: & per hoc redeat ad salu-
 tatem, cum obedire cæperit monitis Præsidentis. Si uerò quis
 amicus fuerit his, quibus ipse amicus non est, & locutus
 fuerit his, quibus ipse non loquitur, unus est ipse, qui ex-
 terminare Dei Ecclesiam uolunt, & cum corpore uobis
 cum esse uideatur, mente, & animo contra uos est, & est
 multò nequior hic, quam illi, qui foris sunt, & e uidenter
 inimici sunt: hic enim per amicitiarum speciem, quæ sunt
 inimica gerit, & Ecclesiam dispergit, ac vastat. Ideoque,
 Charissimi, his Apostolicis institutis uos monentes instrui-
 mus, ut effectu certior charitas uestra sollicitius deinceps
 agere studeat, & cautius, ne peruersi, & infideles homines
 ledendi fideles, ac bene uolos habeant facultatem.

D. D. Franciscus de Gauna & Soffa, Rector Maio-
 ris Div. Ildephonsi, totiusque Vniuersit.

D. D. Iosephus à Termo, Sac. Script. professor,
 & Cancellarius.

D. D. Laurentius Valentin, Sac. Theolog.
 Decanus.

D. D. Ioannes Henriquez de Villacorta.

D. D. Hiacinthus Romero.

D. D. Didacus Sanchez Retuerta.

- D. D. Bernardus Benito Carvezon.*
D. D. Michael à Portilla.
D. D. Franciscus Bravo Tamargo.
D. D. Franciscus Campuçano Villegas.
D. D. Ioannes de las Peñas.
D. D. Thomas Ezquer, Scoti Primarius.
D. D. Franciscus Pingarron.
D. D. Ioseph de Medina.
D. D. Mathæus Sanz Ramiro, Regens Theolog. Vespertinus.
D. D. Emmanuel de Segura.
D. D. Michael Martinez.
D. D. Didacus Martin de Messa.
D. D. Iosephus Antonius de Bozaya.
D. D. Iosephus del Monte.
D. D. Ioannes Antonius Ayessa.
P. D. Frater Chrysostomus de Vargas, Doct. Theolog. & Cathedrę Philosoph. Moral. Regens, & congregat. Cisterc. Generalis Reformator.
D. D. Sebastianus de Melgar, Cathedrę Durandi Regens.
D. D. Iosephus Jaurrieta.
D. D. Iosephus Granado.
D. D. Franciscus Blasius Casas.
D. D. Petrus de Miranda & Ursua, Cathed. Div. Thom. Regens.
D. D. Laurentius Martin de Ribas.

- P. D. Fr. Hiacinthus Ximenez de Mejorada, Ordin.
Præd. in Vniversitate Primarius.*
- D. D. Emmanuel Prieto Alvarez de Toledo.*
- P. D. Emmanuel de Arias, Cleric. Min.*
- D. D. Franciscus Ybañez Valero, Artium Regens.*
- D. D. Iosephus Laurentius Garcia.*
- Frater Ioachimus de Muñatones, Mercenarius Monachus, & Doctor Theologus.*
- D. D. Gabriel Martinez.*
- D. D. Balthasar Fernandez de Quiñones.*
- Frater Augustinus Gutierrez Moran. Doct. Theolog. & Cathedræ Div. Thomæ Vespertinæ Moderator.*
- D. D. Franciscus Arzeis, Philosophiæ Regens.*
- D. D. Emmanuel Alonso Gasco.*
- P. D. Antonius Gutierrez, Societat. Iesu Theolog. Primarius.*
- D. D. Celedonius de Arnedo & Breton, Cathedraticus Philosoph.*
- D. D. Franciscus Garcia Herranz.*
- D. D. Iosephus Alaez, Artium Regens.*
- D. D. Michael Lopez Garcia.*
- D. D. Gaspar Agudo.*
- D. D. Ioannes Ioseph Caravazo.*
- D. D. Nicolaus de Echeverria.*
- P. D. Frater Emmanuel Calderon de la Barca, Ordin. SS. Trinitat.*
- D. D. Franciscus à Dana & Velasco.*

- P. D. *Frater Franciscus Nisserus*, Basil. Monach.
- D. D. *Emmanuel Vincentius Munarrix*.
- P. D. *Laurentius Cardenas*, Societ. Iesu Vesperarius Theolog.

FACULTAS SACRORVM CANONVM.

- D. D. *Petrus Argaez*, Decanus.
- D. D. *Franciscus de Leon & Araujo*, Decreti Moderator.
- D. D. *Ioannes Ruiz de Castañeda*.
- D. D. *Alphonsus Castellanos*.
- D. D. *Iosephus Carrillo*.
- D. D. *Gregorius del Busto*, Hospes Alumnus Div. Ildephonsi, & Sac. Can. Vesperarius Moderator.
- D. D. *Hilarius de Ribera Cardinal*, Alumnus Div. Ildephonsi, & Imperat Iustinian. Primarius Interp.
- D. D. *Gaspar de Arteaga & Narvaex*, Div. Ildephonsi Collega Sac. Can. Moder. & Vniverfitatis Assessor.
- D. D. *Sebastianus à Pliego & Valdes*.
- D. D. *Gaspar de Tablada*, Maior. Div. Ildeph. Alumnus.
- D. D. *Ambrosius de Torres*, Maior. Div. Ildeph. Alumnus.
- D. D. *Franciscus Emmanuel Huerta & Vega*.

FACULTAS MEDICAE

D. D. Paschasius Martinez Fernandez.

Decanus.

D. D. Gregorius Alvarez, Medicinæ Vespertinus.

D. D. Patritius de Herrera, Medicinæ Primarius.

D. D. Ioannes de las Peñas, Medicinæ Moderator.

D. D. Antonius Diaz, Cathedra Primarius in Vniuersitate.

D. D. Didacus Escamilla.

D. D. Franciscus de Alarcon, Cathedra Anatomiae.

D. D. Ioannes de Villa-Señor.





COMPLVTENSIS VNIVERSITATIS AD

SS. P. ET D. N.

CLEMENTEM

DIVINA PROVIDENTIA

PAPAM XI.

HVMILLIMÆ LITERÆ.

BEATISSIME PATER.



ASSISTRICEM Sapientiam de Sede Di-
vina Magnitudinis emissam SANC-
TITATI VESTRÆ coadesse, &
collaborare, etsi tot nobis non evin-
cerent Sacrae Paginae oracula, ex
constitutione illâ SANCTITATIS
VESTRÆ, cui initium: VNIGENITVS DEI FI-
LIVS, quâ vna supra centum propositiones explodun-

tur, fatis, superque nossemus. Huius enim Sacri fulminis potentissimis ignibus, & fidelium SANCTITATI VESTRÆ feliciter obsequentium oculi illuminantur, & demonstorum, quæ in dies, coniuge Beliade, enititur hæresis faucibus, nè succedanea capita hydræ æmulatrix progerminet, luridus Sanguis cauteriatur. Sed enim malignantes filij iræ nedum ignes illos non reverentur, quibus Apostolicum S. V. Thronum fulgurientem ad instar Divini illius, de quo procedebant fulgura, & tonitrua, Beati filij lucis adorant, iuxta ac pertimescunt; sed, & lumini, quo fulgura ipsa simul ac eiaculantur, præfulgent, rebelles se se exhibere, fricatâ fronte non pudet. Id doluisse altissimum nostram, vel potius VESTRÆ SANCTITVDINIS Vniversitatem, attestatum imus Doctores omnes ad V. S. Sacros Pedes humillimè provoluti. Quòd autem non prius suæ, numquam pollute fidei testimoniùm quodpiam, superioribus etiam infelicibus annis, S. V. Vniversitas obtulerit, id boni confulat S. V. Cum enim Parisienses illos Doctores instar agnorum tenerorum (quo malo genio, oculo ve nequam, nescimus) fascinosos putaremus, ad vniuersalis tandem Pastoris ovile reduces, vt medelam acciperent, sperabamus: vnde, & protrahendum nobis religiosissimum silentium, avitum Maiorum morem æmulantes, qui suo alto silentio nobilius suæ firmissimæ fidei specimen non invenerunt, arbitrabamur. Cum autem spes hæc, quæ posita erat in sinu Nostro, frigerit; immo, & evanuerit: vtpote ex ipsâ silentij nostri religione, quam criminis

insimulant; & per mediam ferè Europam traducunt,
 maligno astu deducebant, coerrare sibi Hispanienses
 oves, quasi per interiora deserti pascua, quâ Christianus
 Moses suum minat gregem, huic errandi aditus pateret:
 ad Sacram petram recursuros arbitramur, vt statuatur su-
 per eam S. V. pedes nostros, & dirigat gressus nostros,
 vt que in ipsâ petrâ exaltatis, exaltetur caput nostrum
 super inimicos nostros, super illos vè, quibus, cum an-
 tea amici essent, nunc inimicari, statuimus: oportet
 enim inter fideles illos, qui S. V. veluti Magni Abraha-
 mi pientissimo sinu (id Deo præstante) delitescimus, &
 inobedientes Doctores errorum tenebris immerfos
 Magnum Chaos esse firmatum. Ea propter statutum
 illud, quod confecimus, vt necessitudo illa, quam iam
 diù cum Parisiensi Nostra Vniversitas coluit, ad solos
 probatos eiusdem filios in posterum protendatur, ad
 Thronum ipsum, quem ipsi non adorant, nos reveren-
 tissimè adorantes de ferimus: vtque penissimè consistat,
 non aliunde, quàm ab ipsâ petrâ Apostolicâ mutuari
 opus est firmitatem, eamque S. V. quam enixè deprecamur,
 vt deinceps palmites illos miserè aridos, qui in vi-
 te manere recusant, à nobis humorem Sacræ Apostoli-
 cæ vitis peravidè exurgentibus eminus arceamus. Sed nè
 iam pluribus S. V. moremur, in publica Ecclesiæ com-
 moda peccantes, etiam atque etiam Divinam pietatem
 exoramus, S. V. diù velit superstitem, vt vineæ Do-
 mini Sapiens Agricola Gallicam vitem insuavibus nunc
 horrescentem labruscis ad vbarum dulcorem perpurget;

& miserandæ oves; quæ impræsentiarum non sunt ex
 VESTRÆ SANCTITVDINIS ovili, quasque VES-
 TRAM SANCTITATEM oportet adducere, tanti
 Pastoris vocem audientes fiant vnum ovile, & vnus
 Pastor. Compluti idibus Februarijs, Anni Dñi.
 M. DCC. XVIII.

AD SACROS SANCTITATIS VESTRÆ,
 quos humillime exosculamur, Pedes provoluti.

Doct. D. Franciscus Gauna & Sossa, Rector.
 Maior. Div. Ildeph. totiusque Vniversit.

Doct. D. Laurentius Valentin.
 Dec. Theolog.

Doct. D. Petrus Arguez.
 Dec. Sac. Can.

Doct. D. Paschasius Fernandez.
 Dec. Medic.

Ex Vniversitatis præscripto,

D. Petrus ab Haro & Sora.

Secret.



SS.
D. N.
MEN
DIVINA
TA-

P. ET
CLE
TIS
LARGI
TE,

PAPÆ XI.

AD COMPLVTENSEM VNIVERSITATEM

humanissimum re-scriptum, quod hisce à Tergo verbis super scribebatur: DILECTIS FILIJS RECTORI, DECANIS, CÆTERISQVE DOCTORIBVS VNIVERSITATIS STVDIJ GENERALIS COMPLVTENSIS. Penita vero re-scripti facies, quæ sequuntur, adferebat.

CLEMENS PP. XI.

DILECTI FILIJ, Salutem, & Apostolicam Benedictionem, Conscij solide pietatis, ac veteris, eximixque Vestre in hanc Sanctam Sedem devotionis, nunquam profecto dubitavimus, quin constitutioni

nostræ, cuius initium est: VNIGENITVS DEI FILIVS;
sinceram, ac planè debitam obedientiam vltro exhibe-
retis. Hoc porrò iudicium Nostrū egregiè confirmarūt
tū obsequētes Literæ, quas Idibus Februarij proximè
preteriti cum multâ filialis studij Vestri testificatione ad
Nos dedistis: tū etiam singulare decretū typis editum,
quo ab omni communionis specie cum DD. Parisiensibus
memoratę constitutioni non obtemperantibus abstinē-
dum vobis esse sanxistis. Vtrumque præclarum Religio-
nis, accensique zeli Vestri documentum per libenter ex-
cepimus, ac pristinæ nostræ in vos charitati non leuem,
vt par erat, inde cumulum accessisse profitemur; non
omissuri, vbi facultas suppetet, re ipsâ testatum facere
quàm propensam geramus in Vestra, istiusque Illustris
Vniuersitatis ornamenta, & commoda voluntatem. Eius
interim pigaus erit Apostolica Benedictio, quam vobis;
Dilecti filij, peramanter impertimur. Datum Romę apud
Sanctam Mariam Maiorem sub Annulo Piscatoris Die X.
Maij M. DCC. XVIII. Pontificatus Nostrī Anno XVIII.

Ioannes Christophorus, Archiepiscopus Amasenus.

Ec-typus hic conformis omninò est sui Arche-typo, qui
in Vniuersitatis Carto-phylacio adservatur, cuius
ego Secretarius infra-scriptus fidem facio.

D. Petrus ab Haro & Sota.

Compluti, in Vniuersitatis Typo-graphia,

Anno Dñi. MDCCLXVIII.